

Ex Secretaria S. R. C, die i Aprilis ipoS.

Communicetur sacerdoti oratori responsum Sacrae Rituum Congregationis in casu simili datum sub die 18 Martii 1898; nempe: *Finem inventoris esse laudandum, negotium vero in casu et ad effectum de quo agitur, spectare ad ipsos locorum Ordinarios* (i).

f D. Panici, Archiep. Laodicen., *Secretarius*.

**Decretum seu litterae ad Archiepiscopos, Episcopos aliosque Ordinarios de editione typica vaticana Gradualis Romani.**

Postquam Sanctissimus Dominus Noster Pius Papa X *Motu Proprio* diei xxn Novembris MCMIII sacram musicen reformari mandavit (2); ut coeptum opus, qua par est ratione, absolveretur, decrevit *Motu Proprio* diei xxv Aprilis mcmiv ut *typica* editio librorum cantum Gregorianum continentium in vulgus prodiret typis vaticanis (3): qua editione antiquo usu recepti Ecclesiae concentus pristinae integritati ac puritati redderentur, in eum potissimum finem, ut Romanae Ecclesiae ceterisque Romani ritus Ecclesiis communem liturgicorum concentuum probatum textum suppeditaret.

Quare iuxta hanc Summi Pontificis voluntatem, typica editio *Gradualis Romani*, numeris omnibus feliciter absoluta, modo in locum prodit (4).

Quoniam vero ad Rmos locorum Ordinarios pertinet eiusmodi Gradualis usum ac diffusionem promovere ac regere apud clerum et populum sibi commissos; Sacra Rituum Congregatio, de mandato Sanctissimi Domini Nostri, animad-

(1) Cfr. *Acta S. Sedis*, vol. 30, pag. 638.

(2) Cfr. » » vol. 36, pag. 329 et 387.

(3) Cfr. » » » » pag. 586.

(4) Cfr. » » vol. 41, pag. 290.

vertendas proponit iisdem Rmis Ordinariis normas et mandata praecipua circa huiusce typicae editionis introductionem, eiusque novas typographicas impressiones, quae fiant ab editoribus, facultate impetrata ab Apostolica Sede, scilicet decreta huius S. Congregationis dd. xi et xiv Augusti MCMV, xiv Februarii MCMVI, et VII Augusti MCMVII (I).

Porro e primo eiusmodi documentorum colligitur i°. Vaticanam editionem Gradualis, vel quamlibet aliam quae legitime statisque sub conditionibus eandem typicam referat, substitui debere editionibus, quae modo adhibeantur: itemque 2°. ad Rmos Ordinarios pertinere munus efficiendi et suae cuiusque dioecesis Propria sic restaurentur, ut conformia reddantur Gregorianis concentibus typicae vaticanae editionis.

Per novissimum decretum hic et nunc ita praescribitur usus huius Gradualis, ut quibuslibet editionibus (minime excepta, quae *Medicea* vocatur) huc usque adhibitis, quamprimum substituenda sit editio vaticana, vel eius legitime peracta nova impressio: ideoque ceterae Gradualis editiones a typica discrepantes, rursus imprimi nequeunt, multoque minus a Rmis Ordinariis approbari. Quae vero, antequam integra typica Gradualis editio prodiret, benignae datae fuerint concessionem, nullimode prorsus contra memoratas universales praescriptiones debent praevalere.

Denique ad cantus traditionalis instaurationem facilius exsequendam, praeterquamquod iuverit (adiuvante *Commissione* uti vocant dioecessana) animos adiicere eorum quotquot Summi Pontificis menti ac beneplacito libenter cupiant respondere, nil procul dubio magis efficax erit, quam si vigilantissime intendant Rmi Ordinarii, ut executio sacrorum concentuum in Cathedralibus et potioribus ecclesiis adeo fiat plena ac perfecta, ut forma et exemplar ceteris habeatur.

(i) Cfr. *Acta S. Sedis*, vol. 38, pag. 114 et 240; vol. 39, pag. 53; et vol. 41, pag. 290.

Oportet insuper, ut qui ad *Cantoris* officium eliguntur, congruis dotibus revera sint praediti et superato idoneitatis periculo probati, quod multo magis dici debet de chori Magistro seu de *Praefecto musicae* uti aiunt, qui necessaria polleat auctoritate ad suum implendum officium iuxta Summi Pontificis praecepta de musica sacra et cantu Gregoriano instaurandis.

Voluit autem Sanctitas Sua praesens Decretum a Sacra Rituum Congregatione expediri, et Rmis Archiepiscopis, Episcopis aliisque locorum Ordinariis notum fieri; contrariis non obstantibus quibuscumque, etiam speciali mentione dignis. Die VIII Aprilis MCMVIII.

S. Card. CRETONI, *Praefectus*.

f D. Panici, Archiep. Laodicen., *Secretarius*.

## EX S. C. INDULGENTIARUM ET SS. RELIQUIARUM

### **Facultas benedicendi et indulgentiandi Coronas Viae Crucis ( i ) .**

*Beatissimo      Padre,*

Giovanni Vincenzo Tasso, Assistente generale della Congregazione della Missione, Zelatore dell'arciconfraternita della Santa Agonia di Gesù nell'Orto, stabilita nella Casa madre di Parigi e in molte Case de' Missionarii e delle Figlie della

(i) Hisce Coronis adnectuntur omnes indulgentiae a Romanis Pontificibus concessae Stationibus Viae Crucis; quas ad acquirendas ope huiusmodi Coronarum, praeter legitimum impedimentum, recitari debent corde saltem contrito ac devote 20 *Pater, Ave* et *Gloria*, unum pro qualibet Statione, quinque in Sanctorum D. N. Iesu Christi vulnerum memoriam, ac unum iuxta mentem Sanctitatis Suae, uti constat ex decreto *Urbis et Orbis* S. C. Indulgentiarum diei 8 Aug. 1855, n. 387 (N. R.).